

ONLAYN MULOQOT

РАҲМАТ АЙТАДИГАН ИШ ҚИЛИНМАДИ



қилинган. Мулоқот давомида "Ёш китобхон" республика танлови хусусида ҳам сўз юритилиб, ғолибни Президент совғаси — "Spark" автомобили кутиб тургани қайд этилди. Шунингдек, жорий йилда "Ҳадислар билимдони" кўрик-танлови режалаштирилган. Қ.Қуранбаев Ёшлар иттифоқи йигит-қизларга елкадош бўлишга ҳаракат

қилмадик. Ёшларни тўлиқ қамраб олиш учун имконимиз етарли. Фақат фидойилик керак. Тунни-тун, кунни-кун демай ишлаш керак, "ёниш" керак, ҳолос!"

Шундан сўнг Ёшлар етакчиси ижтимоий тармоқлардан келган саволларга жавоб берди. Мурожаат этувчилар асосан таълим сифати, бошланғич ташқилот етакчилари фаолияти, "Ёшлар уйлари"ни олиш тартиби, ёшлар ўртасидаги ҳуқуқбузарликларнинг олдини олиш, тадбиркор ва фермерларга яратилаётган имтиёзлар, жисмоний имконияти чекланган йигит-қизларни қўллаб-қувватлаш масалаларига тўхтади. Янги ғоя ва таклифлар ўртага ташланди. Қ.Қуранбаев барча саволларга жавоб бериш баробарида айрим муаммоларни жойида ҳал қилди.

Санжар ЭШМУРОДОВ

SUHBATDOSH

Олимжон ДАВЛАТОВ:

"Биз ҳади ҳам Навоий апрофига айланиб юрибмиз"

хотирамидаги ҳикматларнинг таг-замини Ҳазрат Мир Алишер Навоий мероси бўлиб келаётганини кўраимиз. Гап, устоз шоир шеърда эътироф этилганидек, ҳар икки боламизнинг бири Алишер

эканда эмас. Гап бизни бошқа миллату қавмлардан фарқимизни кўрсатувчи хослигимизда, руҳий ва маънавий ақидаларимизда".

Алишер Навоий таваллудининг 577 йиллиги арафасида филология фанлари бўйича фалсафа доктори Олимжон Давлатов билан суҳбатлашдик. (Давоми 3-саҳифада)

Ўзбекистон Республикаси Президентининг Давлат маслаҳатчиси — Ёшлар иттифоқи Марказий Кенгаши раиси Қаҳрамон Қуранбаевнинг ёшлар билан навбатдаги онлайн мулоқоти бўлиб ўтди. Тадбир аввалида Иттифоқ томонидан қатор ташкилотлар билан ҳамкорликда ўтказилиши

режалаштирилаётган "Ёш ватандошлар" фестивали, II Россия – Ўзбекистон ёшлари форуми ҳақида маълумот берилди. Ёшлар етакчиси апрелда бўлиб ўтадиган "Ёш ватандошлар" фестивалидан катта мақсадлар кўзланганини айтди. Ушбу нуфузли тадбирга хорижий



давлатларда истиқомат қилувчи тўрт юз нафардан зиёд ҳамюртларимиз таклиф

қилаётганини таъкидлар экан, қуйидагиларни ҳам қўшиб қўйди: "Ҳали раҳмат айтадиган иш



Устоз Хуршид Даврон таъкидлайди: "Бугунги ҳаётимизга назар

ташласак, ўзбек миллий турмушида давом этаётган тажрибалар,

MUNOSABAT

ТУРИЗМ СОҲАСИДА ЯНГИ САҲИФА ОЧИЛДИ

Ривожланган мамлакатларда туризм иқтисодиётнинг муҳим бўлини ҳисобланади. Бежиз эмаски, давлатимиз мазкур соҳага алоҳида эътибор қаратмоқда. Хусусан, Президентимизнинг 2018 йил 3 февралдаги "Ўзбекистон Республикаси туризм салоҳиятини ривожлантириш учун қулай шароитлар яратиш бўйича қўшимча ташкилий чора-тадбирлар тўғрисида"ги фармони соҳадаги қўлгина

муаммолар ечимига хизмат қилади. Унга мувофиқ, жорий йил 1 июлдан бошлаб юртимизда электрон кириш визаларини бериш тизими жорий қилинади. Ушбу чора сайёҳларда алоҳида қизиқиш уйғотди. Негаки, бугунги замон кишиси учун вақт ғанимат, қолаверса, инновацион қўлайликлар ҳам жуда муҳимдир. Бундан ташқари, фармонда Ўзбекистоннинг сайёҳлик салоҳиятини тўлиқ намойён этиш, замонавий

ахборот-коммуникация технологияларига асосланган ҳолда тарғибот-ташвиқот ишларини кучайтиришга алоҳида эътибор қаратилган. Шу мақсадда Ўзбекистон Республикаси давлат қўмитаси ҳузурда бир қатор имтиёزلарга эга "Миллий PR-маркази" давлат унитар корхонаси ташкил қилинади. Қолаверса, илк бор "Ўзбекистон бўйлаб саёҳат қил!" ички туризмни ривожлантириш дастури амалиётга татбиқ

этилмоқда. Унга кўра, таълим муассасалари ўқувчи ва талабалари, ишчи-ходимлар, шунингдек, аҳолининг ижтимоий заиф қатламлари учун махсус экскурсиялар уюштириш кўзда тутилган. Албатта, юқоридаги саъй-ҳаракатлар туристик хизматлар сифатининг жаҳон талаблари даражасида бўлишини тақозо этади. Фармонда соҳада тадбиркорлик фаолиятини олиб бораётган шахсларга қўлайликлар яратиш

хусусида ҳам сўз борган. Имтиёзли шартларда кредитлар ажратиш, бепул симсиз интернет тармоғи (Wi-Fi)ни улатган хўжалик юритувчи субъектларига солиқ имтиёзлари бериш шулар жумласидан. Қолаверса, хоридан зарур техник воситалар олиб келиш учун ҳам керакли имкониятлар тақдим этилади.

Шаҳбоз САЙФУТДИНОВ,
Туризмни ривожлантириш давлат қўмитаси матбуот котиби

ESHITDINGIZMI?

8-СИНФ ЎҚУВЧИСИГА "SPARK" SOBFA ҚИЛИНДИ

"Навоийлик ёш газалхонлар" танлови ғолибига вилоят ҳокими "Spark" автомобиллини топширди. "Алишер Навоий ижодий меросининг умумбашарият маънавий-маърифий тараққиётидаги ўрни" мавзусидаги II аънавий халқаро илмий-амалий конференция доирасида ўтказилган танловда юз нафардан зиёд ўғил-қиз иштирок этди. Кармана туманидаги 4-умумтаълим мактабининг 8-синф



ўқувчиси Иброҳим Гаффоров 1-уринни қўлга киритди. Айни вақтда бу тенгдошимиз

Ўзбекистон ёшлар иттифоқининг вилоят сардори сифатида ҳам фаолият кўрсатмоқда.

МАҚОМИМИЗ АҚШга ЯНГРАДИ

IV INTERNATIONAL MUSIC FESTIVAL SHASHMAQAM FOREVER

Dedicated to People's Artist of Uzbekistan Ustad Yunus Rajabiy



Нью-Йоркда "Абадий "Шашмақом" ("Shashmaqam Forever")

деб номланган IV халқаро мусиқа фестивали ўтказилди. У таниқли ўзбек композитори, маданият арбоби ва академик Юнус Ражабийнинг 120 йиллигига бағишланди. Фестиваль доирасида Юнус Ражабий мусиқий меросига доир илмий



конференция, шунингдек, юртимиз ва АҚШнинг етакчи мақом ишроқчилари иштирокидаги концерт бўлиб ўтди.

ТЎГАРАКЛАР БЕПУЛ

Юртимиздаги 211 та "Баркамол авлод" болалар маркази томонидан умумтаълим мактабларида тарғибот ойлиги ўтказилмоқда. Унинг доирасида марказлардаги тўғарак раҳбарлари ўқувчи-ёшлар билан учрашиб, маҳорат сабоқларини бераётир.



ГИДЛАР ФОРУМИ ЎТКАЗИЛАДИ



21-22 февраль кунлари пойтахтимизда "Ипак йўли: чегарасиз ҳамкорлик" мавзусида саёҳат гидларининг II халқаро форуми бўлиб ўтади. Шу муносабат билан Тасвирий санъат галереясида "Гиднинг кундалик ҳаёти" деб номланган фотокўргазмани очиб ҳам кўзда тутилган.

ҚАМОҚХОНАДА ЕТАКЧИ САЙЛАНДИ

Қашқадарё вилояти ички ишлар бошқармасининг жазони ижро этиш муассасасида Ёшлар иттифоқи бошланғич ташкилоти тузилди. Етакчи сифатида Усмонжон Холмўминов сайланган. У муассасадаги ёш ходимлар ҳамда маҳкумларнинг муаммолари билан шуғулланади.



Ўз ахборотимиз.

» JARAYON

МУАММОЛАР ОШКОР ЭТИЛДИ

Шахноза НУРУЛЛАЕВА

Ёшлар пресс-клубига Ўзбекистон Республикаси Президентининг Давлат маслаҳатчиси — Ёшлар иттифоқи Марказий Кенгаши раиси Қаҳрамон Куранбаев раислигида Videoselektor йўналиши ўтказилди.

Унда Ёшлар иттифоқининг ҳудудий ва маҳаллий кенгаши раислари, ички ишлар органларининг бошқарма бошлиқлари, барча даражадаги ҳокимлар ҳамда Фуқароларнинг ўзини ўзи бошқариш органлари фаолиятини мувофиқлаштириш бўйича вилоят, туман, шаҳар кенгаши раисларининг ёшлар масалалари бўйича

ўринбосарлари иштирок этди. Қ.Куранбаев Иттифоқнинг қуйи тузилмалари фаолиятига танқидий муносабат билдириб, жойларда ёшларга оид давлат сиёсати кўнгилдагидек олиб борилмаётгани, мутасадди шахслар ўз вазифасига совуққонлик билан қараётганини таъкидлади. Йўналиш давомида

вилоят ва туманлардаги ёшлар масалалари бўйича масъул ходимлар ҳисобот берди. Ёшлар орасида жиноятчиликнинг олдини олиш, бу борада таълим муассасалари ҳамда ички ишлар органларининг ҳамкорлигини кучайтириш ва масъулиятини ошириш масалаларига алоҳида эътибор қаратилди. Шу



P. НАЗАРМАТОВ

билан бир қаторда, ёшларнинг дарсдан бўш вақтини самарали ўтказишига эришиш,

уларда тадбиркорлик кўникмасини шакллантириш, бизнесга доир махсус

адабиётлар яратиш каби долзарб масалалар муҳокама қилинди.

» ISLOHOT ODIMLARI

МАКТАБ ЎҚУВЧИЛАРИ ҲАМ КАСБ-ҲУНАР ЎРГАНАДИ

С. ТУРДИКУЛОВ

Ҳар қайси замонда ҳам мамлакат тараққиёти кагрлар салоҳиятига боғлиқ бўлиб келган. Юртимизда таълим тизими тубдан ислоҳ қилинмоқда. Мактабгача таълим Вазирлигининг ташкил этилиши, 11 йиллик мактаб таълимига ўтганимиз, олий ўқув юртига кириш имтиҳонларидagi ўзгаришлар фикримиз исботидир.

Президентимизнинг 2018 йил 25 январдаги "Умумий ўрта, ўрта махсус ва касб-ҳунар таълими тизимини тубдан такомиллаштириш чора-тадбирлари

тўғрисида"ги фармони соҳа ривожига йўлидаги муҳим қадамлардан бири бўлди. Кунни кеча Халқ таълими вазирлиги томонидан ташкил этилган матбуот

анжуманида мазкур ҳужжатнинг мазмун-моҳияти тўғрисида маълумот берилди. — Жорий ўқув йилида 284 минг нафар ўқувчини 10-синфга қабул қилдик, — дейди

Халқ таълими вазири Улугбек Иноятов. — Қисқа фурсатда ўқув режалари қайтадан ишлаб чиқилиб, 18 номдаги 10-синф дарслиги етти тилда, 9 миллиондан зиёд

нускада чоп этилди. Навбатдаги ўқув йилида эса, 11-синф ўқувчилари 20 номдаги ўқув адабиётлари билан тўлиқ таъминланади. Мактаб таълимидаги ислохотлар малакали педагогларга бўлган эҳтиёжнинг ҳам кескин ошишига сабаб бўлди. Шу боис айтиш мумкин, 25 минг иш ўрнини яратишга ҳозирлик кўришмоқда.


— Эндиликда 10-11-синф ўқувчилари мактабни битиргунча муайян касб-ҳунарни эгаллаш имконига ҳам эга бўлади, — дея таъкидлади вазири

ўринбосари Дилшод Кенжаев. — Бунинг учун жами 470 та мактаб ҳамда 1 минг 18 та касб-ҳунар коллежиди ўқув ишлаб чиқариш мажмуалари ташкил этилган. Уларда эликдан ортиқ касб ўргатилмоқда. Матбуот анжумани давомида тизимда учраётган камчилик ва муаммолар ҳам тилга олинди. Хусусан, ўқувчиларни моддий ва маънавий рағбатлантириш бўйича тегишли чоралар кўрилатгани айтилди. Яқунда журналистлар ўз саволларига жавоб олди.



» YOSHLAR PRESS-KLUBIDA

ҚОРАЎЗАКЛИКЛАРГА ИШ ТОПИЛДИ



Сардор БЕКЖОНОВ

Ўзбекистон ёшлар иттифоқи Қорақалпоғистон Республикаси қошидаги ёшлар пресс-клубининг иккинчи сессияси Қораўзак туманида ташкил этилди. Унда йигит-қизларни ўлантираётган муаммолар ечими хусусида сўз борди.

Муҳокама жараёнида Қорақалпоғистон Республикаси Жўрғорги Кенгеси, ички ишлар, прокуратура органлари, Ёшлар иттифоқининг ҳудудий кенгаши

раҳбарлари қатнашди. Мутасаддилар ёшларнинг фикр-мулоҳазаларига қулоқ тутиб, саволларига атоқлича жавоб берди. Бундай ёндашув эвазига айрим муаммолар шу

жойнинг ўзида ҳал қилинди. Жумладан, Бердақ овул фуқаролар йиғинида яшовчи Шаҳаргул Тоқплатова 2013 йилда Нукус тиббиёт коллежини

тамомлаб, ҳалигача ишсиз юрганни айтди. Туман ҳокими топириғига қўра, у тиббиёт бирлашмасига ишга олинди. Қувонарлиси, атиги бир соат мобайнида яна тўрт нафар ёшнинг бандлиги таъминланди. Шундан икки нафари имтиёзли кредит олиб, фермерлик фаолиятини бошлаш истагини билдирган. Сессия давомида билдирилган ҳеч бир таклиф ва мурожаат эътиборсиз қолмади. Ёшлар пресс-клуби ўз фаолиятини давом эттирмоқда.

» TASHABBUS

БИР ПИЁЛА ЧОЙ УСТИДА КИТОБ ЎҚИЙСИЗ

Адхам ЖўРАЕВ

Президентимизнинг ёшларни китобга қайтаришимиз керак, деган даъвати ҳамон қулоғимизда. Бугун мамлакат бўйлаб ушбу фикрга ҳайрихоҳлик кўрсатилиб, кўпгина амалий саъй-ҳаракатлар олиб борилмоқда.

Яратганга беадад шукр, юртимиз тинч, рўзгоримиз бут, қорнимиз тўқ. Энди таълим-тарбия масаласини жой-жойига қўйиш вақти келди. Тан олиш керак, соҳада камчиликлар бор. Уларни бартараф этиш, аҳолининг китобхонлик ўнаданиятини юксалтиришга ҳамма — ҳам давлат

ташкilotлари, ҳам хусусий сектор бирдай ҳаракат қияпти. Бундай савобли ишга тадбиркорларимиз бош қўшаётгани, айниқса, қувонарлидир. Мана, яқинда Сирдарё вилояти марказида замонавий кутубхона қад ростлади. Лойиҳа бироз ноодатийлиги билан ҳам киши эътиборини ўзига



шунингдек, салкам 300 та электрон китобдан фойдаланиш имконига эга. — Китоб фонди мунтазам ошириб борилади, — дейди Ёшлар иттифоқи Сирдарё вилояти кенгаши раиси ўринбосари Сарвар Султонов. — Замонавий ахборот-коммуникация технологиялари ҳаётимизга кириб келди. Уларни китобхонлар манфаатига хизмат қилдириш аниқ мудоао. Тез кунларда янги кутубхона Wi-Fi (бепул интернет) тизимини ишга туширишни кўзда тутганмиз.

DUNYO BIZ HAQIMIZDA



"DIPLOMATISCHES MAGAZIN" тажрибамизни ёрумгу

Германиянинг "Diplomatisches Magazin" журнали юртимиз энгил саноат тармоғи ютуқларига бағишланган мақолани чоп этди.

Жумладан, унда ўзбек мутахассисларининг Франкфурт-Майн шаҳрида ўтказилган "Heimtextil – 2018" халқаро ярмаркасидаги иштироки ёритилган. Мазкур нуфузли форумда дунёнинг 64 мамлакати вакиллари қатнашган эди.

Мақолада бугунги кунда республикамиз жаҳон бозорига юқори сифатли, рақобатбардор калава иплар, ранг-баранг матолар, пахмоқ ва трикотаждан тайёрланган кийим-кечаклар етказиб бераётгани ҳақида айтилган.

Нашр "Uztext Group", "Deluxe Fabric", "UzCotton Group", "Ideal", "Nil-Grani", "Osborn Textile", "Bahmal Group", "Aisha Home Textile" каби ёрлиқлар билан ишлаб чиқарилган маҳсулотлар Франкфурт ярмаркаси меҳмонлари — харидор ва истеъмолчилар томонидан юқори баҳолангани, немис компаниялари мамлакатимиз тўқимачилик корхоналари билан ўзаро самарали алоқалар ўрнатишдан манфаатдор эканини алоҳида қайд этди.

ҚИРГИЗ ОАВлари эътибор қарамгу

Қирғизистоннинг "Kabar" ахборот агентлиги ҳамда "Asiatv" телеканали веб-саҳифаларида мамлакатимизда "ақли туризм" ривожига оид мақолалар эълон қилинди.

Хабар қилинганидек, Бухоронинг халқаро туризм бозоридagi имижини ошириш, сайёҳларга қўлайлик яратиш мақсадида IT-технологияларидан кенг фойдаланилмоқда. Жумладан, шаҳардаги қарий 50 та тарихий объектда QR-кодлар ўрнатилган. Мазкур инновацион тизим сайёҳларга санокчи сониялар ичида ўзи турган жой яқинидаги диққатга сазовор масканлар, меҳмонхона ва рестороанлар ҳақида батафсил ахборот олиш имконини беради. Қирғизистон оммавий ахборот воситаларининг

таъкидлашича, шунга ўхшаш хизматлар "ақли туризм"ни ривожлантириш лойиҳаси доирасида жорий қилинмоқда. 2018 йил 1 апрелгача QR-кодлардаги барча маълумотлар сайёҳларга нақ 12 тилда тақдим этиладиган бўлади. Ҳозирги кунда мазкур инновация "Поий Калон", "Токи саррофон", "Токи телпақурушон", "Токи заргарон" мажмуалари, Гавкушон, Қўқалдош, Нодир Девонбеги мадрасалари, савдо ансамбли, Лаби ҳовуз майдони, Хўжа Насриддин ҳайкали, Сомонийлар мақбараси, Арк қўрғонига амал қилмоқда.

"Жаҳон" АА материаллари асосида тайёрланди.

